

BULLETIN DER SENIOREN REGIO LIESTAL



INFORMATIONSBLATT NR. 4/1

AUSGABE DEZ.22 / JAN.2023

Liebe Seniorinnen und Senioren

Im heutigen Bulletin erscheinen unsere Sponsoren, die im Vereins-Jahreskalender inserieren. Auf besonderen Wunsch einiger Mitglieder drucken wir die Verse ab und werden die Bulletins auch unseren treuen Sponsoren zusenden.

Wir möchten uns an dieser Stelle herzlich bei den Sponsoren bedanken für ihre Unterstützung und hoffen, dass der Kalender noch viele Jahre bestehen kann und den Mitgliedern dienen wird.

So erreichen Sie uns:

Impressum:

SRL: Präsident

Hans Peter Eppler
Unterdorfstrasse 71
4415 Lausen

Tel: 061 921 53 90
Natel: 079 245 31 51

hanspeter.eppler@eblcom.ch

SRL: Vizepräsident:

Claude Marlétaz
Dublerstrasse 15
4412 Nuglar

Tel: 061 911 90 53
Natel: 079 356 13 15

claude.marletaz@bluewin.ch

SRL: Kassier

Walter Schertenleib
Rüttigrabenweg
4105 Biel-Benken

Tel. 061 401 05 77
Natel: 079 709 47 39

w.h.schertenleib@bluewin.ch

SRL: Aktuarin/Redaktion

Evi Eppler, Lausen
Unterdorfstrasse 71
4415 Lausen

Tel. 061 921 53 90
Natel: 079 354 69 16

eva.eppler@bluewin.ch

Inhalt

Seite

- Information an Alle 1
- Adressen / Impressum 1
- **Zitat** 1
- Sponsoren & Logos 2
- Sponsoren & Logos 3
- Sponsoren & Logos 4
- Sponsoren & Logos 5
- Mitteilungen 6
- Geburtstage 6
- Halbtagesreisebericht 6
von Ursi Roth, Liestal
- Foto Camille Bloch 6

Wer keinen eigenen
Weg geht,
geht den Weg
eines anderen.

UNSERE SPONSOREN FÜR DEN JAHRESKALENDER 2023 DER SENIOREN REGIO LIESTAL

Muesch emol e Gärtner ha
lüt grad schnäll im Wahl Steffi a.
Er chunnt und luegt s'Problem denn a
was er im Garte mache cha.
Wirsch z'friede si mit sinere Sach,
denn er isch e Ma vom Fach.

Uf der Grosstanne z'Buebedorf obe
dä Buurehof cha me nur lobe.
S'hei über 150 Lüt dort Platz
gosch mit em Verein oder em Schatz.
so wirsch nid hungrig use go,
denn eigne Chäs, Schnaps und Wy isch au do.

Dr Andrist Peter – wär kennt dä nid
guet dass es sone Metzger no git.
Leider wohnt er nit grad umme Egge
in Nushhof duet är s'Fleisch zerlegge.
Bruchsch vo ihm e guets Stück Fleisch
e Wurscht, e Späck, - ich weisch was meinsch,
so fahr uf e Hof – uf Nushhof ufe
mit sim Fleisch chach sicher guet Pfuuse.

In Lause git's dr Salon Hoor für Hoor,
Corinne Lehmann heisst's scho mängs Joohr.
Bruchsch e Hoorschnitt e neuu Friise,
chasch's no zahle, s'het vernümpftigi Priise.
Scho lang isch sie bi eus Sponsor
das freut eus alli – das isch Woehr.

Scho sit Afang isch dä do euse Gönner
uf sim Gebiet, isch er e Könner.
Si Druckertankstell – wit umme bekannt -
nit nur in Basel, au im Baselland.
Er füllt dir leeri Drucker-Patron uf
und 20 Prozänt git er dir au no druf.

Wär kennt dä nit, dä Bücherschuppe
chasch's go Besichtige, au als Gruppe.
Zwei mol hei mir's als Verein scho gmacht
und au e Kurs für's h Handy gmacht.
Sit ganz am Ahfang si sie derbi
wenns nüm so wär, mir vermisste sie.



4410 LIESTAL TEL. 079 219 72 29
WIR EMPFEHLEN UNS FÜR
GARTENUMÄNDERUNGEN UND
GARTENPFLEGE



HOFRESTAURANT GROSSTANNEN
FAM. HANDSCHIN 4416 BUBENDORF


www.grosstannen.ch Auf Anmeldung ab 35 Personen



Kundenmetzgerei & Partyservice

Peter Andrist Buchmattweg 1 4453 Nushhof
Mail: info@metzgerei-andrist.ch 061 921 70 56
Web: www.metzgerei-andrist.ch 079 408 11 25

Haar für Haar



Tel. 061 921 12 12



Höchste Qualität im Refill Service

www.drucker-tankstelle.ch · Tel. 061 462 45 69



kantonsbibliothek
baselland

UNSERE SPONSOREN FÜR DEN JAHRESKALENDER 2023 DER SENIOREN REGIO LIESTAL

Wär brucht nit Strom vo der E-B-L
für Huushalt, TV, und s'Handy - Generell
um alli Sache chönne z'bediene
chasch wähle vo grauem Strom bis zu griene.
Hesch emol kein, - bisch schön ufgschmisse
ich wett die Elektra nümme misse.



Im Bäre z'Lieschtel tuesch guet Ässe
au eusi Sitzige wärde dört abgsässe.
Au d'GV hei mir scho 2mol dört gha,
s'isch Zentral gläge- muesch nur e Parkplatz ha.
Doch wenn du mit em Bus tuesch fahre
chasch türi Parkplatz-Chöschte spare.



RESTAURANT BÄREN FAM. WYSS
4410 LIETAL TEL. 061 921 04 97

Für Fүүr – und Gebäudeversicherig Sache,
bisch bi der BGV – dasch nit zum Lache,
bisch guet ufghobe, si zahle d'Schäde.
Vom Ziegelbruch bis zu dä Fänschterläde.
Füllsch e Formular im Computer us
und scho chunnt s'Gäld diräkt ins Huus.



**Basellandschaftliche
Gebäudeversicherung**

Au d'Stadt Lieschtel macht wieder mit
si Spände Gäld und mir si froh, dass es öppis git.
Doch leider si eus ihri Lokalitäte z'Tür
D'Stadt öffnet eus nit gratis Tür.
Doch simmer froh, dass sie inseriere
bi däm Spardruck, muesch das Eschtamiere.



Für Reise buechsch der A.N.K..
sit Ahfang a- hei mir ihn gha
sin z'friede mit der Fahrerei
vom Septämber bis zum Mai.
au d'Schoffeure träge mängs no bi
dass mir's chönne gniesse, das sell so si.

A.N.K. Tours AG

- Ferienreisen im In- und Ausland
- Wein- und Kulturreisen
- Tagesfahrten
- Transfers



Tel. 061 951 24 24

Das isch eusi Druckerei
DICAD heisst si, isch z'Hölste dehei.
sit 10 Jahr tüen si der Kaländer drucke
tüen Logos ans rächt Ort ane rucke.
Si gäbe immer guete Rot,
dass in däm Kaländer au alles stoht.

DICAD Print- und
Lettershop

UNSERE SPONSOREN FÜR DEN JAHRESKALENDER 2023 DER SENIOREN REGIO LIESTAL

Spitex Lieschtel und au die vo Lause
mache das Johr zum Glück kei Pause.
Nur hei si jetz e neu gstattets Inserat
au Gsamtschwizerisch si sie parat.
zu eusem Wohl, für euseri Pfläg
und schaffe für eus Täg für Täg.



Dr Mohlermeischer Dani Muri
schafft guet und schnäll, und isch kei Schnuuri.
Isch bekannt als Stadtröt's Maa
und für d'Fasnacht chasch ihn au no ha.
Er kennt si Büetz, im Logo Stohts doch
WIR GEHEN FÜR SIE DIE WÄNDE HOCH!



Kamber Rosche – heisst der Mobiliar Ma
Falls mol e neu Versicherung muesch ha.
Au die si scho sit em 2009 derbi
s'neu Logo – schnäll ersetzt isch gsi.
Und hesch du denn emol e Schade
si Zahle prompt – s'isch e tip tope Lade.



Im Viva Lady gosch go fitte
g'sescht jung und alt – doch keini Gritte
Bewegsch di zu der guete Musi
aber bitte allei – nid mit dim Gspusi.
Denn das isch nur für's Wiblich gschläch
e Ma bruchsch dört nid – Han i rächt ?



Brigitta Cina Hauptstrasse 22

4416 Bubendorf Tel. 061 921 01 01

Wär kennt se nit, die BLKB-Kasse
vo mängem lit dört Gäld in Masse.
Die einte hän weniger, die andere meh
doch wäge dä Zinse – s'tuet so weh,
chunsch fascht nüt me über,
drum stecks deheim lieber undere Züber.



Dä do – mi ehemolige Arbetgäber,
isch au do druf, als Wärbeträger.
Es isch das Curadomizil,
wo hei chunnt, wenn hesch Langiwyl.
Si poschte für di, putze, pfläge
dasch für di Kranke sone Säge.
Und muesch se dringend emol ha
so lüt eifach 061 465 74 00 a.



UNSERE SPONSOREN FÜR DEN JAHRESKALENDER 2023-- DER SENIOREN REGIO LIESTAL

In D' Ergolz- Drogerie in Lause
tuesch immer wenn Not hesch – ane sause.
Sie mache au Naturheilmittel
dermit umgosch denn s'Lieschtler Spittel.
Wirsch gseh es wird au dir guet nütze.
und dich vor mänger Chranket schütze.



Jetzt chömme mir zum ganz Spezielle
cha do au nüt schlächts verzelle.
Denn gniesse mir all Johr in dä Huus
eusi Adväntsfiir- chunsch jetz drus.
All Johr si mir dört , stehts Willkomme
vo der ganze Crew und em Markus Thomme.
Jetzt hei si no e speziells Label
gsamtschwizerisch tüen si sich hervorhebe.
Als einziges Alters- und Pflägeheim
das passt so wundervoll zu mim Reim,
hei si e Label für Palliativ Care
mir gratuliere, und freue eus sehr.

LEBEN, WOHNEN UND BETREUUNG IM ALTER
FRENKENBÜNDTEN

ERSTE ZERTIFIZIERTE BASELBIETER
INSTITUTION DER LANGZEITPFLEGE
WWW.FRENKENBÜNDTEN.CH

061 927 17 17

Ah, do han ich no e Fäld vergässe,
die Sponsorin het mit gmacht, ganz versässe.
Meint, das leeri Fäld würd schlächt us gseh
und seit, ich sell das 50er Nötli neh.
und eifach schriibe Anonym
so passt es doch famos zum Rihm
und danke liebi Spänderin.

**ANONYME SPENDE
DANKE DER SPENDERIN**



Sichternhof
Liestal

061 92112 05 www.sichternhofliestal.ch

Und im allerletschte Momänt,
het's däm neue Sponsor au no glängt.
es isch das s'Restaurant Sichterehof,
mir findes toll, isch ganz famos.
Sie tüen im Kaländer au no inseriere,
gang go luege, tue ane spaziere
gang ein go schnappe, es Ässe bschtelle
das han ich euch no säge welle.

Das si eusi Sponsore gsi
i dank für's zuelose, läse und stille si.
Mir wei die guete Institutione
mit eusne Bsüech und Ichäuf belohne.
Dänked dra – si heis verdient,
denn dä Kaländer euch allne dient.



Mitteilungen/Mutationen per 01.10.22-31.12.22

Eintritte: keine

Adressänderungen: keine

Todesfälle: Zanella Rösli, Bubendorf,

Stirnemann Max, Liestal

Austritte: Meier Willy und Verena, Liestal
Jovanovic Veronka, Bubendorf
Plattner Walter, Büren
Sonntag Dora, Bubendorf
Burri Peter und Elsi, Tenniken
Gerger Herbert und Ruth, Seltisberg

**Glückwünsche, Geburtstage im 4. Quartal 2022 / und
1. Quartal 2023**

Gerger Ruth	70
Tschudin Beat	70
Zimmermann Beatrice	85
Keller Heinz	93
Furrer Trudi	92
Burri Peter	80
Buser Sylvia	85
Kestenholz Paul	75
Furrer Heinz	93
Müller Stephan	75
Gersbach Peter	75
Pletscher Werner	80
Grieder Käthi	75
Jäggi Irene	75
Lang Lydia	91
Strübin Peter	70
Burtschi Edgar	80
Wahl Rosmarie	92
Keller Bruno	80
Eger Hanna	80
Degen Marija	75
Margelist Theresia	94



Ä Bsuech bi de Firma Camille Bloch,
do mues i mi Amelde, doch!
De Jörg fahrt dur de Jura,
mi Buch duet wäg de ville Schoggi chnuure.
Verusse zieht ä herrliche Landschaft verbii,
d'Fuehrig bim Schoggi isch super gsi.
Mir händ vill über d'Familie Bloch erfahre,
diä hei sich grossi Mühe geh, heitere Fahne!
Schoggi mit Mandle oder Haselnüss,
au mit Cognac oder Kirsch.
Scho di dritti Generation tuet di feini Schoggi
Conchiere
und mir ... hei dörfe wacker probiere!
Im Aschluss heimer, grad im Huus, ä feine
Zvieri gno, Kaffi und ä Schoggichueche,
dä han i doch au no müese versueche!
Jetzt stöhn mir grad ä chli im Stau, das isch
no schlau! Denn gohts bis zum Znacht no
chli länger, d' Hose si susch scho enger ...
Schnitzel, Pommes, äs Glesli Wy, de Obe
isch no luschtig gsi. Im Rahtsstübli in Laufe
fühle mir üs wohl und Teller sind zum
berschte voll.
Jetzt fahrt de Chauffeur Jörg üs Hei,
jo i gspühre d Müedi, vom Chopf bis id Bei.
Danke für de süessi Nomittag!
SRL-Mitglied Ursi Roth, Liestal



Vereinsferien in Salorno/Salurn im Südtirol 2022